



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj:07-06-10308-64/20
Sarajevo,02.06.2020.god.

**Služba za skupštinske poslove
skupštine Kantona Sarajevo**

~~-ovdje-~~

Stručna služba Vlade Kantona Sarajevo

~~-ovdje-~~

Predmet:Odgovor na poslaničko pitanje,veza vaš akt 01-04-10308-63/20 od 27.04.2020.god.

Zastupnik Haris Pleho je postavio poslaničko pitanje na 24-oj sjednici Skupštine Kantona Sarajevo koja je održana 23.04.2020.god.,u okviru tačke Dnevnog reda"Poslanička/zastupnička pitanja, inicijative i odgovori", a sve u skladu sa čl. 211. i 214. Poslovnika Skupštine Kantona Sarajevo.

Isto glasi: "Najljubaznije vas molim da mi odgovorite šta su vaše ministarstvo i vlada poduzeli na planu ublažavanja posljedica izazvanih korona virusom u oblasti poljoprivrede, budući da je ovo vrijeme kada poljoprivrednici moraju obaviti svoje radove, prije svega mislim na poticajne mjera u sjemenu i novčane podsticaje i da li je taj segment urađen po zakonskim propisima u prvom redu mislim na transparentnost u podjeli poticaja i koliki je iznos pomoći predviđen u poticaj poljoprivredi?"

Odgovor:

Poštovani vezano za postavljeno pitanje obavještavamo Vas slijedeće:

U vrijeme nastanka situacije izazvane korona virusom, ministarstvo je odmah kontaktiralo dobavljače poljoprivrednog repromaterijala (sjemena, sadnog materijala, gnojiva, zaštitnih sredstava, stočne hrane, lijekova), poljoprivredne apoteke i veterinarske stanice, radi saznanja o snabdjevenosti i problema na tržištu. Tada smo dobili informacije da je tržište u potpunosti snabdjeveno svim repromaterijalom i da su jedine poteškoće u transportu zbog svima poznate situacije .

Već tada su se oglasili federalno ministarstvo i općine sa projektima nabavke, podjele ili sufinansiranja nabavke sjemenskog sadnog ili drugog repromaterijala.

Nismo pristupili fizičkoj podjeli sjemena ili sadnog materijala poljoprivrednicima, jer su i Federacija i općine vršile dodjelu istog, pa nismo smatrali korisnim duplirati taj vid pomoći,



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



odnosno smatrali smo da ćemo na drugi način biti bolja podrška našim poljoprivrednim proizvođačima.

Naime, Ministarstvo privrede je poduzelo aktivnosti na olakšavanju dobivanja podsticaja u biljnoj proizvodnji, tako što je izmjenilo Pravilnik o posebnim uslovima za ostvarivanje prava na novčani podsticaj ("Službene novine Kantona Sarajevo", br. 21/13, 39/14, 20/17 i 22/19) u čl. 25. st. (1) tač.a) i b), 26. st.(1). tač.a) i b), 27. st. (1).tač.a) i 28. st. (1) tač. a) i b). Pravilnikom je zapravo propisano da su kandidati obavezani dostaviti dokaz o kupovini deklarisanog sjemena/sadnog materijal i đubriva za ostvarivanje prava na novčani podsticaj u biljnoj proizvodnji.

Uvažavajući činjenicu da će mnogi poljoprivrednici dobiti kroz navedene projekte sjemenski materijal ili da je moguća otežana kupovina deklarisanog sjemenskog/sadnog materijala i đubriva, pristupili smo *stavljanju van snage* (izmjeni) ovih članova Pravilnika, kako bismo olakšali ostvarivanje ovog prava .


Odnosno, Ministarstvo privrede je pripremlilo Zaključak koji kaže da se kandidati koji ostvaruju pravo na novčani podsticaj u biljnoj proizvodnji, za ovu godinu oslobađaju obaveze dostavljanja dokaza o kupovini deklarisanog sjemenskog/sadnog materijala i mineralnog đubriva, te da iste mogu koristiti iz vlastite reprodukcije, kako bi se zasijale što veće sjetvene površine.

Inače,planirani podsticaj za poljoprivredu rebalansom budžeta iznosi 5 000 000,00 KM.

Srdačan pozdrav!



Dostaviti:
-naslovu-2X
-evidenciji
-a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

